



大唐六典

7 係 4
3.042
21



明 保 4
3.042
11

九唐六典國子監卷第二十一

御製

集賢院學士兵部尚書及中書令等

上柱國開國公 李林甫等奉

國子監

祭酒一人

司書二人



大唐六典國子監卷第二十一

御撰

集賢院學士兵部尚書兼中書令修國史

上柱國開國公臣李林甫等奉 敕注上

國子監

祭酒一人

司業二人

丞一人

主簿一人

錄事一人

府七人

史十三人

亭長六人

掌固八人

國子博士二人

助教二人

學生三百人

典學四人

廟幹二人

掌固四人

太學博士三人

助教三人

學生五百人

典學四人

掌固六人

四門博士三人

助教三人

學生五百人

俊士八百人

典學四人

掌固六人

國子直講四人

以大成十人 養習 亦樂 根 賦 書 禮 燕 宮 制 六

律學博士一人 班千 樂 學 孟 又 制 內 養 國 子

助教一人 養 習 一 曰 琴 律 二 曰 文 律 三 曰

學生五十人 辨 三 律 卷 國 子 一 曰 至 興 二

典學二人 入 辨 三 品 地 師 一 曰 樂 師 二 曰 舞 師

書學博士二人 養 習 一 曰 書 法 二 曰 書 體 三 曰 書 寫

學生三十人 養 習 一 曰 書 法 二 曰 書 體 三 曰 書 寫

典學二人 入 辨 三 品 地 師 一 曰 樂 師 二 曰 舞 師

算學博士二人

學生三十人

典學二人

國子監祭酒一人從三品

周禮師氏以三德三行教國子一曰至德二

曰敏德三曰孝德一曰孝行二曰友行三曰

順行凡國之貴遊子弟學焉又保氏養國子

以道教之六藝謂禮樂射御書數漢官儀云

漢置博士祭酒一人秩六百石後漢以博士

聰明有威重者一人為祭酒韋昭辨釋名曰

祭酒者凡讌饗必尊長老藝文類聚引辨釋名曰祭酒者謂祭

六神以酒醱之也辯云凡會同饗讌必尊長

先用先用必以酒祭先故曰祭酒漢時吳王

年長以為劉氏祭酒是也此尊長以酒祭

老三字當作尊長先用先用六字先故曰祭酒徐廣後漢志注曰古人具饌則

賓中長者舉酒祭地示有先也魏曰之晉武帝立國子學置祭酒一人晉令曰祭酒博士

當當恐是掌字為訓範總統學中衆事傳暢諸公讚云裴頠為國子祭酒奏立國子太學起講堂築門闕刻石寫五經百官志祭酒皂朝服介幘進賢兩梁冠佩水蒼玉官品第三東晉及宋齊並同梁置國子祭酒一人班第十三比列曹尚書陳國子祭酒秩中二千石品第三後魏初第四品上太和二十二年增為從第三品北齊改為國子寺祭酒一人從三品

後周闕隋初國子學

按隋志學當作寺

祭酒隸太常

從三品開皇十三年復置國子寺

按隋志寺當作學

仁壽元年罷國子唯置太學大業三年改為

國子監依舊置祭酒一人皇朝因之龍朔二

年改為大司成咸亨中復舊光宅元年改為

成均監祭酒神龍元年復舊

司業二人從四品下

禮記曰樂正司業父師司成秦漢已來無聞

隋大業三年置司業一人從四品皇朝曰之
龍朔二年改為少司成咸亨中復舊垂拱中
增置二人

國子祭酒司業之職掌邦國儒學訓導之政令
有六學焉一曰國子二曰太學三曰四門四曰
律學五曰書學六曰算學凡春秋二分之月上
丁釋奠于先聖孔宣父以先師顏回配七十二
弟子及先儒二十二賢從祀焉

舊令唯祀十哲及二十二賢開元八年勅列
曾參於十哲之次并七十二子並許從祀其
名歷已具於祠部

祭以太牢樂用登歌軒縣六佾之舞若與大祭
祀相遇則改用中丁祭酒為初獻司業為亞獻
博士為終獻若皇太子釋奠則贊相禮儀祭酒
為之亞獻皇帝視學皇太子齒胄則執經講義
焉凡釋奠之日則集諸生執經論議奏請京文

武七品以上清官並與觀焉凡教授之經以周易尚書周禮儀禮禮記毛詩春秋左氏傳公羊傳穀梁傳各為一經孝經論語老子學者兼習之

諸教授正業周易鄭玄王弼注尚書孔安國鄭玄注三禮毛詩鄭玄注左傳服虔杜預注公羊何休注穀梁范甯注論語鄭玄何晏注孝經老子並開元御注舊令孝經孔安國鄭

玄注老子河上公注其禮記左傳為大經毛詩周禮儀禮為中經周易尚書公羊穀梁為小經

每歲終考其學官訓導功業之多少而為之殿最

丞一人從六品下

隋大業三年置國子丞三人從六品皇朝省置一人

主簿一人從七品下

北齊國子寺置主簿負隋置一人皇朝曰之錄事一人從九品下

北齊國子寺有錄事員隋置一人皇朝曰之丞掌判監事凡六學生每歲有業成上于監者以其業與司業祭酒批曰唐志當作祭酒司業試之明經帖經口試策經義進士帖一中經試雜文策時務徵事其明法明書算亦各試所習業登第者白

祭酒上于尚書禮部

其試法皆依考功又加以口試明經帖限通八已上明法明書皆通九已上

主簿掌印勾檢監事凡六學生有不率師教者則舉而免之其頻三年下第九年在學及律生六年無成者亦如之

假違程限及作樂雜戲亦同唯彈琴習射不禁

大唐六典 卷之二十一
銖事掌受事發辰

國子博士二人正五品上

漢書百官表云博士秦官也掌通古今秩比六百石員多至數十人武帝置五經博士宣帝稍增員十二人漢儀云文帝博士七十餘人為待詔博士朝服玄端章甫冠司馬彪百官志云博士十四人魏以太常統太學博士祭酒晉初置博士十九人咸寧四年立國子

學置國子博士一人晉官品第六介幘兩梁冠服佩同祭酒宋齊無所改作梁置國子博士二人為九班陳品第四秩千石後魏初國子博士從五品上太和二十二年增為第五品北齊置國子寺有博士五人品第五隋初國子隸太常置博士五人大業三年置國子監博士一人正五品皇朝增置二人助教二人從六品上

晉武帝初立國子學置助教十五人官品視南臺御史服同博士東晉孝武損為十人宋齊並同梁班第二陳品第八秩六百石後魏第七品北齊置十人品同後魏隋初置國子助教五人從七品下大業三年減置一人皇朝增置二人第七品 後魏志 當作從第七品國子博士掌教文武官三品已上及國公子孫從二品已上曾孫之為生者五分其經以為之

業習周禮儀禮禮記毛詩春秋左氏傳每經各六十人餘經亦兼習之習孝經論語限一年業成尚書春秋公羊穀梁各一年半周易毛詩周禮儀禮各二年禮記左氏春秋各三年其生初入置束帛一篚酒一壺脩一案號為束脩之禮其習經有暇者命習隸書并國語說文字林三蒼爾雅每旬前一日則試其所習業

試讀者每千言內試一帖試講者每二千言

內問義一條總試三條通一及全不通斟量
決罰

每歲其生有能通兩經已上求出仕者則上于
監堪秀才進士者如之

助教掌佐博士分經以教授焉

典學掌抄錄課業

廟幹掌灑掃學廟

太學博士三人正六品上

東晉元帝增置國子博士十六人謂之太學
博士品服同國子博士梁置太學博士八人
班第二陳品第八秩六百石後魏初第六品
中太和二十二年從第七品北齊國子寺有
太學博士十人從第七品後周置太學博士
下大夫六人班第四班第四當作正四命按
通典後周太學博士下
大夫正四命隋初置太學博士五人仁壽元年罷
國子唯立太學置博士五人從五品大業三

大唐六典 卷之二十一
年減置二人降為從六品皇朝增置三人
助教三人從七品上

後魏置太學助教第八品中北齊國子寺有
太學助教二十人從第九品下後周置太學
助教上士六人三命隋初太學助教五人正
九品下大業三年減為二人皇朝增置三人
太學博士掌教文武官五品已上及郡縣公子
孫從三品曾孫之為生者五分其經以為之業

每經各百人其束脩之禮督課試舉如國子博
士之法

助教已下並掌同國子
四門博士三人正七品上

後魏書劉芳表云太和二十年立四門博士
於四門置學按禮記云天子設四學鄭玄注
周四郊之虞庠也今以其遼遠故置於四門
請移與太學同處從之核魏百官志四門博

士後魏志作四門小學博士第九品北齊置二十人正九

品上後周闕隋置五人從八品上皇朝減置

三人加正七品上

助教三人從八品上

北齊國子寺有四門助教二十人隋初置四

門助教五人從九品下皇朝日置三人

四門博士掌教文武官七品已上及侯伯子男

子之為生者若庶人子為俊士生者

禮記王制曰命鄉論秀士升之司徒曰選士

司徒論選士之秀者升之學曰俊士隋書志

曰舊國子學處士隋志處士作生限以貴賤梁武帝

欲招來後進五館生皆取寒門俊才不拘員

數數數一衍即今之俊士也

分經同太學其束脩之禮督課試舉同國子博

士之法

助教已下掌同國子

直講四人

皇朝初置無員數長安四年始定為四員俸祿賜會同直官例

直講掌佐博士助教之職專以經術講授而已大成十人

皇朝置取貢舉及第人考功簡聰明者試書

曰曰當誦得一千言并口口一本作日試策

試所習業等十條通七然後補充仍授散官

俸祿賜會同直官例給初置二十人開元二十年減十人

大成通四經業成上於尚書吏部試登第者加一階放選其不第則習業如初每三年一試若九年無成則免大成從常調律學博士一人從八品下

晉百官志廷尉官屬當作屬有律博士員晉

刑法志曰衛覬奏請置律學博士轉相教授

東晉宋齊並同梁天監四年廷尉官屬置曹
子律博士位視負外郎第三班陳律博士秩
六百石品第八後魏初律博士第六品後魏志第
六品太和二十二年為第九品上北齊大理
寺官屬有律博士四人第九品上隋大理寺
官屬有律博士八人正九品上皇朝省置一
人移屬國學

助教一人從九品上

皇朝置之

律學博士掌教文武官八品已下及庶人子之
為生者以律令為專業格式法例亦兼習之其
束脩之禮督課試舉如三館博士之法
助教掌佐博士之職如三館助教之法
書學博士二人從九品下

代本蒼頡作書周禮保氏教以六藝其五曰
六書鄭司農云象形會意轉注處事假借諧

聲也古謂之小學漢書食貨志曰八歲入小

學學六甲五方書計之事晉衛恒字勢晉書本傳

恒善草隸書為四體書勢曰昔皇皇當作黃帝有沮誦蒼頡始

作書契蓋觀鳥跡以興思也秦壞古文有八

體一曰大篆二曰小篆三曰刻符四曰蟲書

五曰摹印六曰署書七曰殳書八曰隸書王

莽時甄豐校文字復有六書一曰古文二曰

奇字三曰篆書四曰佐書五曰繆篆六曰鳥

書自漢已來不見其職隋置書學博士一人

從九品下皇朝加置二人

書學博士掌教文武官八品已下及庶人子之

為生者以石經說文字林為專業餘字書亦兼

習之石經三體書限三年業成說文二年字林

一年其束脩之礼督課試舉如三館博士之法

算學博士二人從九品下

代本隸首造數周礼保氏教以六藝其六曰

九數即九章也一曰方田二曰粟米三曰差分四曰少廣五曰商功六曰均輸七曰方程八曰贏贏當作贏不足九曰旁要漢書律歷志曰數者一十百千萬所以筭數事物也小學是則職在太史羲和掌之魏晉已來多在史官不列於國學隋置筭學博士一人從九品下皇朝增置二人

筭學博士掌教文武官八品已下及庶人子之

為生者二分其經以為之業習九章海島孫子五曹張丘建夏侯陽周髀十有五人習綴術緝古十有五人其記遺三等數亦兼習之孫子五曹共限一年業成九章海島共三年張丘建夏侯陽各一年周髀五經筭共一年綴術四年緝古一年其束脩之禮督課試舉如三館博士之法

大唐六典國子監卷第二十一

國子監... 博士... 助教... 監生... 凡... 國子監... 博士... 助教... 監生... 凡... 國子監... 博士... 助教... 監生... 凡...

補考

周髀十有五人

周髀下當有五經二字

此處有極淡之印文，內容難以辨識，可能為書名或卷號之重印。



